

Visoki predstavnik osuđuje napad na policijsku stanicu u Zvorniku

Visoki predstavnik Valentin Inzko danas je ponovio oštru osudu sinoćnjeg napada na policijsku stanicu u Zvorniku. Također je izrazio saučešće porodici policajca Dragana Đurića i nadu u brzi oporavak ranjenih policajaca Željka Gajića i Steve Milovanovića.

Visoki predstavnik je pozvao nadležne organe, odgovorne sigurnosne agencije i pravosudne institucije da sarađuju u provođenju brze i temeljite istrage. "Dajem podršku agencijama za provedbu zakona i sigurnosnim agencijama i uvjeren sam da će biti provedena puna istraga o ovom napadu."

Visoki predstavnik također je pozvao na mir i suzdržanost nakon ovog napada. "Svi treba da se suzdrže od politizacije ovako ozbiljnog događaja i da puste institucije da neometano rade. Ovo nije vrijeme za podjele, nego je vrijeme da se institucije i građani u BiH udruže i zajedno bore protiv ozbiljnih izazova sa kojima su suočeni, kao što su posljedice ovog bezumnog napada u Zvorniku."